



## Կարգապահական գործ թիվ ԿԳ-18064

Հայաստանի Հանրապետության վաստաքանների պալատի խորհրդի  
2018 թվականի հուլիսի 7-ի թիվ 144-րդ ԿԳ նիստի

Ո Ր Ո Շ ՈՒ Մ ԹԻՎ ԿԳ/105-Ա

### ՓԱՍՏԱՔԱՆ ԱՐԱ ԶԱՔԱՐՅԱՆԻՆ ԿԱՐԳԱՊԱՀԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՀԱՐՑԸ ՔՆՆԱՐԿԵԼՈՒ ՄԱՍԻՆ (ՎԵՐԱՊԱՏՐԱՍՏՄԱՆ ԴԱՍԸՆԹԱՅՆԵՐԻ ԳՈՐԾՈՎ)

Հայաստանի Հանրապետության վաստաքանների պալատի (**այսուհետ նաև՝ Պալատ**) խորհուրդը (**այսուհետ նաև՝ Խորհուրդ**), նիստը նախագահող՝ Հարություն Հարությունյանի, Խորհրդի անդամներ՝ Սեդրակ Ասատրյանի, Մելանյա Առուստամյանի, Կարապետ Աղաջանյանի, Նելլի Հարությունյանի, Տիգրան Խուրշուդյանի, Կարեն Սարգսյանի, Արայիկ Ղազարյանի կազմով,

քարտուղարությամբ Նոննա Համբարձումյանի,  
քննության առնելով վաստաքան Արա Զաքարյանին (արտոնագիր՝ թիվ 314) կարգապահական պատասխանատվության ենթարկելու վերաբերյալ հարցը՝

### Պ Ա Ր Զ Ե Ց՝

#### 1. Կարգապահական վարույթ հարուցելու առիթը և հիմքը.

«Հայաստանի Հանրապետության վաստաքանական դպրոց» հիմնադրամի (**այսուհետ նաև՝ Դպրոց**) կողմից 16.03.2018թ. ներկայացված տեղեկանքի համաձայն՝ վաստաքան Արա Զաքարյանը (**այսուհետ նաև՝ Պատասխանող**) 2017թ-ի երկրորդ կիսամյակի (հուլիսից դեկտեմբեր (ներառյալ)) ընթացքում չի մասնակցել պարտադիր վերապատրաստման դասընթացներին և չի լրացրել պարտադիր վերապատրաստման որևէ ժամ:

#### 2. Կարգապահական վարույթ հարուցելու մասին որոշումը.

ՀՀ վաստաքանների պալատի նախագահի առաջին տեղակալի 19.03.2018թ. թիվ 134-Ա/ԿԳ-18064 որոշմամբ կարգապահական վարույթ է հարուցվել վաստաքան Արա Զաքարյանի նկատմամբ՝ «Վաստաքանության մասին» ՀՀ օրենքի (**այսուհետ նաև՝ Օրենք**) 19-րդ հոդվածի 1-ին մասի 4.1 կետի, 45.12-րդ հոդվածի 2-րդ մասի և Պալատի ընդհանուր ժողովի կողմից 11.02.2012թ. թիվ 1/4-Լ որոշմամբ հաստատված Վաստաքանի վարքագծի կանոնագրքի (**այսուհետ նաև՝ Կանոնագիրք**) 2.8.2 ենթակետի խախտման հատկանիշներով:

22.03.2018թ. կարգապահական գործը հանձնվել է Պալատի խորհրդին:

Խորհրդի նիստը տեղի է ունեցել 2018 թվականի հուլիսի 7-ին, ժամը՝ 12:14-ին, ՀՀ վաստաքանների պալատի վարչական շենքում (ք.Երևան, Զաքիյան 7-2, 4-րդ հարկ, թիվ 12 սենյակ):

### **3. Պատասխանողի համառոտ բացատրությունը.**

Փաստաբան Արա Զաքարյանը բացատրություն չի ներկայացրել: Փաստաբան Արա Զաքարյանը թեև պատշաճ ծանուցվել է կարգապահական նիստի վայրի, օրվա և ժամի մասին, սակայն Խորհրդի նիստին չի ներկայացել:

### **4. Գործի հանգամանքները՝ առկա ապացույցների վկայակոչմամբ.**

Պալատի խորհուրդը՝ ուսումնասիրելով գործում առկա գրավոր փաստաթղթերը, հաստատված է համարում հետևյալ փաստերը.

**1) 2017թ. երկրորդ կիսամյակի (հուլիս-դեկտեմբեր (ներառյալ)) ընթացքում Պալատի, Դպրոցի և Պալատի կողմից սահմանված կարգով հավաքարմագրված կազմակերպությունների կողմից կազմակերպվել է 111 (մեկ հարյուր տասնմեկ) վերապատրաստման դասընթաց:**

Նշված փաստը հաստատվում է Պալատի աշխատակազմի ղեկավարի և վերապատրաստման հարցերով համակարգողի 06.07.2018թ. տեղեկանքով:

**2) 2017թ-ի երկրորդ կիսամյակի (հուլիսից դեկտեմբեր (ներառյալ)) ընթացքում Արա Զաքարյանը չի մասնակցել պարտադիր վերապատրաստման դասընթացներին և չի լրացրել պարտադիր վերապատրաստման որևէ ժամ:**

Նշված փաստը հաստատվում է Դպրոցի 16.03.2018թ. տեղեկանքով:

**3) Փաստաբան Արա Զաքարյանի նկատմամբ սահմանված կարգով և ժամաքանակով վերապատրաստման դասընթացներին չմասնակցելու հիմքով նախկինում երկու անգամ հարուցվել է կարգապահական վարույթ:**

Նշված փաստը հաստատվում է Պալատի ընդհանուր դեպարտամենտի ղեկավարի կողմից 06.07.2018թ. տրամադրված տեղեկանքով:

### **5. Պատասխանողի անձր բնութագրող հանգամանքները.**

Պալատի ընդհանուր դեպարտամենտի ղեկավարի կողմից 06.07.2018թ. տրամադրված տեղեկանքի համաձայն՝ Արա Զաքարյանը փաստաբան է հանդիսանում 16.03.1999թ., և 2015-2018թթ. ընկած ժամանակահատվածում նրա նկատմամբ վերապատրաստման դասընթացներին չմասնակցելու հիմքով երկու անգամ հարուցվել է կարգապահական վարույթ (չհաշված կարգապահական գործը):

Խորհրդի 11.12.2015թ. թիվ ԿԳ/175-Ա որոշմամբ Պատասխանողը վերապատրաստման դասընթացներին մասնակցելու պարտականությունը չկատարելու համար ենթարկվել է կարգապահական պատասխանատվության՝ նրա նկատմամբ կիրառվել է կարգապահական տույժ՝ նկատողություն (տույժը մարվել է):

Խորհրդի 06.05.2016թ. թիվ ԿԳ/70-Ա որոշմամբ Պատասխանողը վերապատրաստման դասընթացներին մասնակցելու պարտականությունը չկատարելու համար ենթարկվել է կարգապահական պատասխանատվության՝ նրա նկատմամբ կիրառվել է կարգապահական տույժ՝ խիստ նկատողություն (տույժը մարվել է):

### **6. Պալատի խորհրդի պատճառաբանված եզրակացությունը և որոշումը.**

**Հիմք ընդունելով Պալատի խորհրդի կողմից հաստատված փաստերը, դրանք հիմնավորող գործում առկա ապացույցները և քննարկվող իրավահարաբերությունները կարգավորող կանոնները, Պալատի խորհուրդը գտնում է, որ փաստաբան Արա Զաքարյանին պետք է ենթարկել կարգապահական պատասխանատվության՝ հետևյալ պատճառաբանությամբ.**

Փաստաբանների վերապատրաստման հետ կապված հարաբերությունները

կարգավորվում են «Փաստաբանության մասին» ՀՀ օրենքի, Հայաստանի Հանրապետության փաստաբանների պալատի կանոնադրության, Փաստաբանի վարքագծի կանոնագրքի և Պալատի խորհրդի 18.12.2014թ. թիվ 35/8-Լ որոշմամբ նոր խմբագրությամբ հաստատված «Փաստաբանների վերապատրաստման» կարգի **(այսուհետ՝ Կարգ)** դրույթներով:

Օրենքի 19-րդ հոդվածի 1-ին մասի 4.1 կետի համաձայն՝ *փաստաբանը պարտավոր է՝ ... 4.1) սահմանված կարգով և ժամաքանակով մասնակցել սույն օրենքով նախատեսված վերապատրաստման դասընթացներին:*

Օրենքի 45.12-րդ հոդվածի 2-րդ մասի համաձայն՝ *փաստաբանը պարտավոր է անցնել փաստաբանների պալատի խորհրդի սահմանած կարգով և ժամաքանակով վերապատրաստման դասընթացներ, որոնք չեն կարող երկու փարվա ընթացքում քառասունութ ժամից պակաս լինել:*

Հայաստանի Հանրապետության փաստաբանների պալատի կանոնադրության 16.5 կետի 24-րդ ենթակետի համաձայն՝ *Պալատի խորհուրդը, որպես գործադիր մարմին հաստատում է փաստաբանների վերապատրաստման կարգը:*

Կանոնագրքի 2.8.2 ենթակետը սահմանում է, որ *փաստաբանը պարտավոր է Պալատի խորհրդի կողմից սահմանված կարգով և ժամաքանակով մասնակցել Օրենքով նախատեսված վերապատրաստման դասընթացներին:*

Կարգի 1-ին կետի համաձայն՝ *կարգը սահմանում է փաստաբանների վերապատրաստման դասընթացներ անցնելու ընթացակարգը, ժամկետները, ժամերի հաշվարկը, պարասխանադրության, հաշվետվողականության, ինչպես նաև վերապատրաստման հետ կապված այլ հարաբերությունները:*

Կարգի 8-րդ կետի համաձայն՝ *յուրաքանչյուր կիսամյակի (վեց ամսվա) համար փաստաբանը՝ Կարգով նախատեսված ժամկետում և ընթացակարգով, պետք է անցնի 12 (տասներկու) ակադեմիական ժամ (այսուհետ՝ ժամ, 1 (մեկ) ակադեմիական ժամը հավասար է 40 (քառասուն) րոպեի) վերապատրաստում: Կիսամյակի հաշվարկը՝ ա) սկսվում է հունվար ամսից և ավարտվում հունիսին (ներառյալ), կամ բ) սկսվում է հուլիս ամսից և ավարտվում դեկտեմբերին (ներառյալ):*

Կարգի 27-րդ կետի համաձայն՝ *կարգը խախտելու համար փաստաբանը ենթակա է կարգապահական պարասխանադրության՝ «Փաստաբանության մասին» Հայաստանի Հանրապետության օրենքով և Փաստաբանի վարքագծի կանոնագրքով սահմանված կարգով:*

Նշված կանոնների վերլուծությունից հետևում է, որ փաստաբանը պարտավոր է անցնել վերապատրաստման դասընթացներ, որոնք չեն կարող երկու տարվա ընթացքում քառասունութ ժամից պակաս լինել, իսկ Պալատի խորհուրդը, որպես գործադիր մարմին, սահմանում է փաստաբանների վերապատրաստման կարգը և ժամաքանակը: Սահմանված ժամկետում վերապատրաստման դասընթացներին չմասնակցելու համար փաստաբանն ենթակա է պատասխանատվության:

Փաստաբան Արա Զաքարյանի նկատմամբ սույն կարգապահական վարույթը հարուցվել է այն հիմքով, որ վերջինս, խախտելով Կարգի վերոնշյալ կանոնը, 2017թ. երկրորդ կիսամյակի (հուլիսից դեկտեմբեր (ներառյալ)) ընթացքում չի մասնակցել պարտադիր վերապատրաստման դասընթացներին:

Պալատի խորհուրդն արձանագրում է, որ 2017 թվականի հուլիս-դեկտեմբեր (ներառյալ) ամիսներին Պալատը կազմակերպել է 111 (մեկ հարյուր տասնմեկ) վերապատրաստման դասընթաց (չհաշված առցանց վերապատրաստման դասընթացները): Ընդ որում, թեմաները նախապես հաստատված և տեղադրված են եղել Պալատի կայքում, ինչպես նաև յուրաքանչյուր ամսվա դասացուցակները

հաստատվել և տեղադրված են եղել Պալատի կայքում:

Պալատի խորհուրդն արձանագրում է, որ փաստաբան Արա Ջաքարյանն օբյեկտիվորեն ունեցել է հնարավորություն հաշվետու ժամանակահատվածում անցնելու տվյալ կիսամյակի համար պարտադիր 12 (տասներկու) ակադեմիական ժամ ժամաքանակով վերապատրաստման դասընթացները, սակայն չի կատարել օրենքով նախատեսված պարտականությունը և խախտել է «Փաստաբանության մասին» ՀՀ օրենքի 19-րդ հոդվածի 1-ին մասի 4.1 կետի, 45.12-րդ հոդվածի 2-րդ մասի և Կանոնագրքի 2.8.2 ենթակետի և Կարգի 8-րդ կետի պահանջները:

Նման պայմաններում Պալատի խորհուրդը գտնում է, որ փաստաբան Արա Ջաքարյանը ենթակա է կարգապահական պատասխանատվության:

Խորհուրդը կարգապահական տույժ կիրառելիս հաշվի է առնում այն հանգամանքը, որ փաստաբան Արա Ջաքարյանի նկատմամբ վերապատրաստման դասընթացներին չմասնակցելու հիմքով երրորդ անգամ է հարուցվում կարգապահական վարույթ:

Ելնելով վերոգրյալից, Պալատի խորհուրդը՝ ղեկավարվելով «Փաստաբանության մասին» ՀՀ օրենքի 10-րդ հոդվածի 5-րդ մասի 14-րդ կետի, 39-րդ հոդվածի 1-ին մասի, 39.7-րդ հոդվածի 5-րդ մասի 1-ին կետի, 39.9-րդ հոդվածի 1-ին մասի 4-րդ կետի և 4-րդ մասի, «Հայաստանի Հանրապետության փաստաբանների պալատի կանոնադրության» 16.26-րդ կետի, Կանոնագրքի հավելվածը հանդիսացող «Փաստաբանի նկատմամբ կարգապահական վարույթի իրականացման կարգի» 30-րդ հոդվածի 5-րդ մասի 1-ին կետի պահանջներով, ինչպես նաև Կարգի պահանջներով՝

## **Ո Ր Ո Շ Ե Ց՝**

**1. Փաստաբան Արա Ջաքարյանին (արտոնագիր՝ թիվ 314) ճանաչել մեղավոր «Փաստաբանության մասին» ՀՀ օրենքի 19-րդ հոդվածի 1-ին մասի 4.1 կետի, 45.12-րդ հոդվածի 2-րդ մասի և Կանոնագրքի 2.8.2 ենթակետի պահանջների խախտման համար:**

**2. Փաստաբան Արա Ջաքարյանի (արտոնագիր՝ թիվ 314) նկատմամբ կիրառել կարգապահական տույժ՝ տուգանք 10.000 (տասը հազար) ՀՀ դրամ:**

**3. Հանձնարարել Պալատի աշխատակազմի ղեկավարին՝ սույն որոշման մասին իրազեկել փաստաբան Արա Ջաքարյանին:**

**Ծանոթություն.** Սույն որոշումը կարող է բողոքարկվել դատական կարգով՝ այն սրանալու օրվանից մեկամսյա ժամկետում: Սույն որոշումն օրինական ուժի մեջ է մտնում սույն կետով նախատեսված բողոքարկման ժամկետն անցնելուց հետո:

ՀՀ փաստաբանների պալատի խորհրդի  
կարգապահական գործով  
նիստը նախագահող՝

Հարություն Հարությունյան

07 հուլիս 2018թ.  
թիվ ԿԳ/105-Ա  
ք. Երևան